



Broj: 14-11-1347/22  
Vogošća, 31.08.2022. godine

Na osnovu člana 69. stav 2. tačka tačka d) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 31.08.2022. godine donio je

**ODLUKU  
O PONIŠTENJU OTVORENOG POSTUPKA NABAVKE USLUGE FIZIČKE ZAŠTITE  
RADNIKA I IMOVINE NA LOKACIJI CENTRA ZA KOMUNALNE USLUGE VOGOŠĆA**

**Član 1.**

Poništava se Otvoreni postupak nabavke usluge fizičke zaštite radnika i imovine na lokaciji Centra za komunalne usluge Vogošća broj: 14-11-1347/22, jer nijedna od primljenih ponuda nije prihvatljiva, a u skladu sa članom 68. stav 1. i članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Član 2.**

Ovom Odlukom stavlja se van snage Odluka o izboru drugorangiranog ponuđača za pružanje usluge fizičke zaštite radnika i imovine na lokaciji Centra za komunalne usluge Vogošća broj: 14-11-1347/22 od 23.08.2022. godine.

**Član 3.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 26.07.2022. godine donio Odluku o pokretanju Otvorenog postupka nabavke usluge fizičke zaštite radnika i imovine na lokaciji Centra za komunalne usluge Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 26.07.2022. godine pod brojem: 1353-1-2-122-3-131/22. Sažetak Obavještenja o nabavci objavljen je u "Službenom glasniku BiH" broj: 50/22 od 29.07.2022. godine.

Nakon provedene Zakonom propisane procedure, te nakon provedene E-aukcije, Općina Vogošća kao ugovorni organ je donijela Odluku o izboru najpovoljnijeg ponuđača broj: 14-11-1347/22 od 15.08.2022. godine kojom je kao najpovoljniju ponudu u Otvorenom postupku nabavke usluge fizičke zaštite radnika i imovine na lokaciji Centra za komunalne usluge Vogošća ocijenila ponudu ponuđača Agencije za zaštitu ljudi i imovine "Fenix Security" d.o.o. Sarajevo, sa ponuđenom ukupnom cijenom u iznosu od 12.985,46 KM bez uračunatog PDV-a, odnosno 15.192,98 KM sa uračunatim PDV-om.

U skladu sa tačkom 7.1.2. TD. izabrani ponuđač je u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2 TD su morali biti originali ili ovjerene kopije i ne stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevan tačkom 7.1.1 TD je bio 22.08.2022. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda svim ponuđačima koji su učestvovali u postupku dostavljena dana 16.08.2022. godine.

U ostavljenom roku izabrani ponuđač Agencija za zaštitu ljudi i imovine "Fenix Security" d.o.o. Sarajevo nije dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 0772-01-08/22 od 08.08.2022. godine, odnosno istu je dostavio nakon isteka roka, dana 23.08.2022. godine.

Iz navedenih razloga, a primjenom člana 72. stav 3. Zakona o javnim nabavkama BiH ("Službeni glasnik BiH" broj: 39/14) Komisija za javne nabavke je jednoglasno dala preporuku Općinskom načelniku da se donese Odluka o izboru drugorangiranog ponuđača i da se ugovor za pružanje usluge fizičke zaštite radnika i imovine na lokaciji Centra za komunalne usluge Vogošća dodijeli drugorangiranom ponuđaču sa prethodno utvrđene Rang liste-Agenciji za zaštitu ljudi i imovine "Sword Security" d.o.o. Sarajevo, sa ponuđenom ukupnom cijenom nabavke u iznosu od 13.000,43 KM bez uračunatog PDV-a, odnosno 15.210,50 KM sa uračunatim PDV-om.

Na osnovu pismene preporuke Komisije za javne nabavke Općinski načelnik je dana 23.08.2022. godine donio Odluku o izboru drugorangiranog ponuđača broj: 14-11-1347/22, kojom je kao drugorangirana ponuda sa Rang liste odabrana ponuda ponuđača Agencije za zaštitu ljudi i imovine "Sword Security" d.o.o. Sarajevo, sa ponuđenom ukupnom cijenom nabavke u iznosu od 13.000,43 KM bez uračunatog PDV-a, odnosno 15.210,50 KM sa uračunatim PDV-om.

U skladu sa tačkom 7.1.2. TD. izabrani ponuđač je u roku od 5 dana od dana zaprimanja Odluke o izboru drugorangiranog ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;

- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2 TD su morali biti originali ili ovjerene kopije i ne stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevan tačkom 7.1.1 TD je bio 29.08.2022. godine, obzirom da je Odluka o izboru drugorangiranog ponuđača svim ponuđačima koji su učestvovali u postupku dostavljena dana 24.08.2022. godine.

U ostavljenom roku izabrani ponuđač Agencija za zaštitu ljudi i imovine "Sword Security" d.o.o. Sarajevo nije dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 4660/P-08/22 od 01.08.2022. godine.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke usluge fizičke zaštite radnika i imovine na lokaciji Centra za komunalne usluge Vogošća, iz razloga jer nijedna od primljenih ponuda nije prihvatljiva, a u skladu sa članom 68. stav 1. i članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

**Izradio:** Mirza Čutura

*Mirza Čutura*

**Kontrolisala:** Melisa Kršo

*Melisa Kršo*

Dostavljeno:

1. Agencija za zaštitu ljudi i imovine "Fenix Security" d.o.o. Sarajevo
2. Agencije za zaštitu ljudi i imovine "Sword security" d.o.o. Sarajevo
3. Nadležnoj Službi
4. U dosije
5. a/a

033/498-377

033/664-483

